



სახელმწიფო შესყიდვების  
სააგენტოს თავმჯდომარის  
გ ა ნ კ ა რ გ უ ლ ე ბ ა



KA080162482374622

№ 2628


17 / აგვისტო / 2022 წ.

**2021–2035 წლების ერთიანი სტრატეგიით გათვალისწინებული ვალდებულებების შესასრულებლად „შეზღუდული შესაძლებლობის მქონე პირთა უფლებების შესახებ“ საქართველოს კანონით გათვალისწინებული წლიური სამოქმედო გეგმის დამტკიცების თაობაზე**

„შეზღუდული შესაძლებლობის მქონე პირთა უფლებების შესახებ“ საქართველოს კანონის 37-ე მუხლის მე-3 პუნქტის „ა“ ქვეპუნქტისა და საქართველოს მთავრობის 2014 წლის 23 აპრილის № 306 დადგენილებით დამტკიცებული „საჯარო სამართლის იურიდიული პირის – სახელმწიფო შესყიდვების სააგენტოს დებულებისა და სტრუქტურის“ მე-4 მუხლის მე-2 პუნქტის „ზ“ საფუძველზე:

1. დამტკიცდეს 2021–2035 წლების ერთიანი სტრატეგიით გათვალისწინებული ვალდებულებების შესასრულებლად „შეზღუდული შესაძლებლობის მქონე პირთა უფლებების შესახებ“ საქართველოს კანონით გათვალისწინებული წლიური სამოქმედო გეგმა (დანართი №1).
2. ზედამხედველობა ამ განკარგულების აღსრულებაზე დაევალოს სახელმწიფო შესყიდვების სააგენტოს თავმჯდომარის მოადგილეს გელა გელაშვილს.
3. ეს განკარგულება შეიძლება გასაჩივრდეს მისი ოფიციალური გაცნობის დღიდან ერთი თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (ქ. თბილისი, დავით აღმაშენებლის ხეივანი №64), კანონმდებლობით დადგენილი წესით.

თავმჯდომარე

ხელმოწერილია/  
შტამბდასმულია  
ელექტრონულად 

ლევან რაზმაძე

სსიპ სახელმწიფო შესყიდვების სააგენტო  
**სამოქმედო გეგმა**  
 2022 წლის აგვისტო - 2023 წლის აგვისტო

მიზანი 1	გაეროს მდგრადი განვითარების მიზნის მიღწევა, რაც თავის თავში გულისხმობს ასევე მდგრადი განვითარების და მდგრადი საჯარო შესყიდვების ერთ-ერთი განზომილების – სოციალური ასპექტის მოქმედ კანონმდებლობაში ასახვას და რეალიზებას, მათ შორის, შშმ პირებთან დაკავშირებით	
ამოცანა 1.1	მრავალი საერთაშორისო ექსპერტისა და ორგანიზაციის ჩართულობით, სახელმწიფო შესყიდვების სააგენტოს მიერ მომზადებულ „საჯარო შესყიდვების შესახებ“ საქართველოს კანონის პროექტში გათვალისწინებულ იქნა მდგრადი განვითარების მიზნებიც. ამავე დროს, ევროკავშირთან ასოცირების შეთანხმებით ნაკისრი ვალდებულების ფარგლებში კანონპროექტში გადმოტანილ იქნა 2014/24/EU ევროდირექტივაში ასახული დებულებები და ნორმები, რომლებიც არეგულირებენ შშმ პირებთან დაკავშირებულ საჯარო შესყიდვის გარკვეულ სეგმენტებს, მაგალითად, როგორცაა საჯარო შესყიდვის პროცედურების დარეზერვება (კანონპროექტის 35-ე მუხლი), ასევე შესყიდვის ობიექტის სპეციფიკაციების აღწერისას შეზღუდული შესაძლებლობების მქონე პირთა ინტერესების გათვალისწინების მოთხოვნა (კანონპროექტის 49-ე მუხლის მე-2 პუნქტი). ამასთან, „საჯარო შესყიდვების შესახებ“ საქართველოს კანონის პროექტი, თანმდევ საკანონმდებლო პაკეტთან ერთად, 2022 წლის 8 ივნისს, საქართველოს მთავრობამ, საკანონმდებლო ინიციატივის წესით წარუდგინა საქართველოს პარლამენტს.	
	ამოცანის შედეგის ინდიკატორი: საქართველოს პარლამენტის მიერ მიღებულია კანონპროექტი „საჯარო შესყიდვების შესახებ“ 2022 წლის საშემოდგომო სესიაზე; საქართველოს მთავრობისა და სსიპ სახელმწიფო შესყიდვების სააგენტოს მიერ მიღებულია შესაბამისი კანონქვემდებარე ნორმატიული აქტები	
	ამოცანის საბაზისო მაჩვენებელი: შესამუშავებელი ახალი საკანონმდებლო ნორმები როგორც პირველად, ასევე მეორად კანონმდებლობაში მისაღებად	ამოცანის საბოლოო მაჩვენებელი: ახალი საკანონმდებლო ნორმები როგორც პირველად, ასევე მეორად კანონმდებლობაში მიღებულია სათანადო სახელმწიფო ორგანოების მიერ

აქტივობა 1.1.1	საკანონმდებლო რეგულაციების დახვეწა, რაც გულისხმობს საჯარო შესყიდვების მარეგულირებელ საკანონმდებლო აქტებში შშმ პირებთან დაკავშირებული ნორმების ინტეგრირებას				
აქტივობის შედეგის ინდიკატორი: ახალი საკანონმდებლო ნორმები როგორც პირველად, ასევე მეორად კანონმდებლობაში მიღებულია სათანადო სახელმწიფო ორგანოების მიერ	დაფინანსების წყარო				
	სახელმწიფო ბიუჯეტი		სხვა		დეფიციტი
	ოდენობა (ლ)	კოდი	ოდენობა (ლ)	ორგანიზაცია	
	სააგენტოს ბიუჯეტის სახსრები				
პარტნიორი უწყება: საქართველოს მთავრობის ადმინისტრაცია; საქართველოს მთავრობა; საქართველოს პარლამენტი					

მიზანი 2	შშმ პირების ფართო ინტეგრირების პროცესის მეტად ხელშეწყობა და მათი ინტერესების დაკმაყოფილება სახელმწიფო შესყიდვების კუთხით				
ამოცანა 2.1.	სახელმწიფო შესყიდვების სააგენტოს სასწავლო ცენტრში შემუშავდება სპეციალური კურსი, რომელიც მორგებული იქნება შშმ პირებზე. მოხდება მათი ცნობიერების ამაღლება როგორც სახელმწიფო შესყიდვების მოქმედი კანონმდებლობის ფარგლებში, ასევე „საჯარო შესყიდვების შესახებ“ საქართველოს კანონპროექტით გათვალისწინებული რეგულაციების ფარგლებშიც. მიზანია - სურვილის შემთხვევაში, მათი სამომავლოდ სახელმწიფო შესყიდვების/საჯარო შესყიდვების სფეროს მიმართულებით (შემსყიდველ ორგანიზაციებში ან მიმწოდებელ კომპანიებში) დასაქმება.				
ამოცანის შედეგის ინდიკატორი: შშმ პირებზე მორგებული სპეციალური სასწავლო კურსი შემუშავებულია					
ამოცანის საბაზისო მაჩვენებელი: საჭიროებების იდენტიფიცირების ეტაპი	ამოცანის საბოლოო მაჩვენებელი: შემუშავებულია სასწავლო კურსის სილაბუსი და სასწავლო პროგრამები, სააგენტოს სასწავლო ცენტრის ვებგვერდზე ამოქმედებულია შშმ-პირების რეგისტრაციის სპეციალური ელ. სერვისი, ტრენინგის გავლის მსურველთა რეგისტრაცია				

	მიმდინარეობს, გადამზადებულნი არიან ტრენერები და სასწავლო ცენტრის ადმინისტრაცია				
აქტივობა 2.1.1	სააგენტოში სპეცილური სამუშაო ჯგუფის შექმნა თავმჯდომარის მოადგილის ხელმძღვანელობით; საჭიროებების იდენტიფიცირება; შშპ-პირების დაინტერესებულ ასოციაციებთან, გაერთიანებებთან და სხვადასხვა ჯგუფებთან მოლაპარაკებების წარმართვა და ბენეფიციარების იდენტიფიცირება; სილაბუსის და ორი განსხვავებული სასწავლო პროგრამის სტრუქტურისა და „კონტენტის“ შემუშავება, საპრეზენტაციო მასალების მომზადება; სილაბუსის, ასევე სასწავლო და კალენდარული პროგრამების შემუშავება				
აქტივობის შედეგის ინდიკატორი: შექმნილია სამუშაო ჯგუფი; შექმნილია სილაბუსი და შემუშავებულია სასწავლო პროგრამები; შექმნილია რეგისტრაციის ახალი ელ.სერვისი	დაფინანსების წყარო				
	სახელმწიფო ბიუჯეტი		სხვა		დეფიციტი
	ოდენობა (ლ)	კოდი	ოდენობა (ლ)	ორგანიზაცია	
	სააგენტოს ბიუჯეტის სახსრები				
პარტნიორი უწყება: საქართველოს მთავრობის ადმინისტრაცია; საქართველოს პარლამენტი; შშპ პირთა სხვადასხვა ასოციაცია/კავშირი; USAID EGP პროგრამა; UN Agencies; GIZ; სხვა დონორული ორგანიზაციები					